



বিশ্ব উদ্যোগ শীর্ষ সম্মেলনে(২০১৭) প্রধানমন্ত্রীর ভাষণ

Posted On: 29 NOV 2017 5:31PM by PIB Kolkata

আমরা আমেরিকা যুক্তরাষ্ট্র সরকারের সহযোগিতায় বিশ্ব উদ্যোগ শীর্ষ সম্মেলন (জি.ই.এস.) ২০১৭-এর আয়োজন করতে পেরে আনন্দিত।

দক্ষিণ এশিয়ায় এবারই প্রথম এ ধরনের শীর্ষ সম্মেলন অনুষ্ঠিত হচ্ছে। বিশ্বের উদ্যোগের বাস্তবতাকে সামনের দিকে এগিয়ে নিয়ে যাওয়ার জন্যে প্রথম সারির বিনিয়োগকারী, উদ্যোগী, শিক্ষাবিদ, বিশেষজ্ঞ ও সংশ্লিষ্ট অন্যান্যদের একসঙ্গে নিয়ে আসে এই ধরনের আয়োজন।

এই আয়োজন শুধুমাত্র সিলিকন ভ্যালির সঙ্গে হায়দ্রাবাদের সংযুক্তিই ঘটবে না,এর মধ্য দিয়ে আমেরিকা যুক্তরাষ্ট্র ও ভারতের মধ্যকার নিবিড় সংযোগও প্রদর্শিত হবে।উদ্যোগ ও উদ্ভাবনকে উৎসাহ প্রদান করার ক্ষেত্রে আমাদের পারস্পরিক প্রতিশ্রুতিকেও গুরুত্ব দিয়ে তুলে ধরবে।

এ বছরের এই শীর্ষ সম্মেলনে যেসব বিষয় আলোচনা হবে তার মধ্যে রয়েছে,স্বাস্থ্য সুরক্ষা ও জীবন বিজ্ঞান, ডিজিটাল অর্থ ব্যবস্থা ও আর্থিক প্রযুক্তি,বিন্যত ও পরিকাঠামো এবং প্রচার মাধ্যম ও বিনোদন। এই সব বিষয়গুলো মানব সমাজের কল্যাণ ও সমৃদ্ধির সঙ্গে সংশ্লিষ্ট।

এবারকার জি.এ.এস. এর মূল ভাবনা “সবার সমৃদ্ধির জন্য মহিলারাই প্রথম”-এরজন্য স্বতন্ত্র হয়ে উঠেছে। ভারতীয় ভাবধারায় মহিলাদের শক্তির স্বরূপ অর্থাৎ শক্তিরদেবী বলে উল্লেখ করা হয়। আমরা বিশ্বাস করি, আমাদের সমস্ত রকম উন্নয়নের জন্য নারী ক্ষমতায়ন বিশেষ গুরুত্বপূর্ণ।

আমাদের ইতিহাসে অসাধারণ প্রতিভা ও দৃঢ়চেতা নারীদের উল্লেখ রয়েছে। খ্রিস্টপূর্ব সপ্তম শতাব্দীর সময়ের এক মহিলা দার্শনিক গার্গী, তিনি একজন ঋষিকে দার্শনিক বিতর্কে আহ্বান জানিয়েছিলেন, যা সেই সময়ের জন্য এক অশ্রুত ঘটনা। রানি অহল্যাবাই হেলকার ও রানি লক্ষ্মীবাই-এর মত আমাদের যোদ্ধা রানিগণ তাঁদের রাজস্ব রক্ষার জন্য সাহসিকতার সঙ্গে লড়াই করেছেন। আমাদের স্বাধীনতা সংগ্রামও এই ধরনেরঅনুপ্রণামূলক দৃষ্টান্তে পরিপূর্ণ।

ভারতীয় মহিলারা জীবনের বিভিন্ন পেশায় নেতৃত্ব দিয়ে চলেছেন। মঙ্গলগ্রহ পরিক্রমাকারী অভিযান সহ, আমাদের সমস্ত মহাকাশ কর্মসূচিতে মহিলা বিজ্ঞানীদের অপরিণীম অবদান রয়েছে। ভারতীয় বংশোদ্ভূত কল্পনা চাঁওলা ও সুনীতা উইলিয়ামস আমেরিকার মহাকাশ অভিযানে অংশ গ্রহণ করেছেন।

ভারতের সবচেয়ে পুরনো চারটি হাইকোর্টের মধ্যে তিনটিই এখন মহিলা বিচারপতিদের নেতৃত্বে পরিচালিত হচ্ছে। আমাদের মহিলা খেলোয়াড়রা দেশকে গর্বিত করেছেন। এই হায়দ্রাবাদ শহরেরই সাইনা নেহওয়াল, পি.ভি. সিদ্ধু, সানিয়া মির্জা ভারতের জন্য জয়মালা নিয়ে এসেছেন।

ভারতে তৃণমূল পর্যায়ের নীতি-নির্ধারণে মহিলাদের অংশগ্রহণ সুনিশ্চিত করার জন্য গ্রামীণ ও শহুরে স্থানীয় সংস্থাগুলোতে আমরা মহিলাদের ন্যূনতম এক-তৃতীয়াংশ প্রতিনিধিত্ব প্রদান করেছি।

আমাদের কৃষি ও সহযোগী ক্ষেত্রগুলোতে ষাট শতাংশেরও বেশি কর্মী হচ্ছেন মহিলারাই। গুজরাটে দুধ সমবায় এবং শ্রী মহিলা গৃহ উদ্যোগ লিঙ্কজ প্যাপড হচ্ছে বিশেষভাবে সফল ও বিশ্বব্যাপী প্রশংসিত মহিলা পরিচালিত সমবায় আন্দোলনের উদাহরণ।

বহুগণ,

এখানে এই বিশ্ব উদ্যোগ শীর্ষ সম্মেলনে পঞ্চাশ শতাংশেরও বেশি প্রতিনিধি হচ্ছেন মহিলা। আগামী দু’ দিন ধরে আপনাদের সঙ্গে এমন অনেক মহিলার সাক্ষাত হবে, যারা তাঁদের নিজের জীবনের পেশায় ভিন্ন ধরনের দিক সূচিত করার সাহস দেখিয়েছেন। তারা এখন মহিলা উদ্যোগীদের নতুন প্রজন্মকে অনুপ্রাণিত করছেন। আমি আশা করি যে, মহিলা উদ্যোগীদের কীভাবে আরও সহায়তা করা যায়,এই শীর্ষ সম্মেলনের আলোচনা সেদিকেই গুরুত্ব দেবে।

ভদ্রমহিলা ও ভদ্রমহোদয়গণ,

ভারত যুগ যুগ ধরেই উদ্ভাবনা ও উদ্যোগের জন্মভূমি। ভারতের প্রাচীন পুঁথি ‘ চরক সংহিতা ’ পৃথিবীর সামনে আয়ুর্বেদকে নিয়ে এসেছে। যোগ হচ্ছে এরকমই আরেকটি ভারতীয় উদ্ভাবনা। এখন প্রতিবছর ২১ জুন যোগ দিবস উদ্‌যাপনের জন্য গোটা পৃথিবী এগিয়ে আসে। প্রচুর উদ্যোগী এখন যোগ, অধ্যাত্মিকতা, ঐতিহ্যগত আয়ুর্বেদিক পণ্যের প্রচারের সঙ্গে যুক্ত রয়েছে।

বর্তমানে আমরা যে ডিজিটাল যুগে বাস করছি, তার মূল ভিত্তি হচ্ছে বাইনারি পদ্ধতি। আর এই বাইনারি পদ্ধতির মূল ভিত্তি ‘ শূন্যবা জিরো ’ র উদ্ভাবন ভারতে আর্ঘডট-এর কাজের মাধ্যমে হয়েছে। একইরকমভাবে আধুনিক যুগের অর্থনৈতিক নীতি, কর পদ্ধতি ও জন অর্থনীতির নানা বিষয় আমাদের প্রাচীন পুঁথি কোটিল্যের অর্থশাস্ত্রের রূপরেখায় চিত্রিত।

প্রাচীন ভারতের ধাতুবিদ্যায় পারদর্শিতা সবার জানা। আমাদের অনেক বন্দর ও পোতাশ্রয় এবং পৃথিবীর সবচেয়ে প্রাচীন জাহাজঘাটা ‘ লোথাল ’ আমাদের অসাধারণ বাণিজ্য সংযোগের প্রমাণই বহন করে। বিদেশের মাটিতে ভারতীয় নাবিকদের ভ্রমণের কাহিনী আমাদের পূর্বপুরুষদের উদ্যোগের মানসিকতা ও উৎসাহকেই প্রতিফলিত করে।

একজন উদ্যোগীকে চিহ্নিত করার প্রধান গুণাবলী কী কী?

একজন উদ্যোগী কোনো উদ্দেশ্য পূরণের জন্য জ্ঞান ও দক্ষতা ব্যবহার করেন। প্রতিকূল অবস্থার মধ্যেও একজন উদ্যোগী সুযোগ খুঁজে বের করেন। তারা ব্যবহারকারীর জন্য আরও সুবিধাজনক ও আরামদায়ক পদ্ধতি তৈরির চেষ্টার প্রয়োজনীয়তা অনুভব করেন। তাঁরা ধৈর্যশীল ও দৃঢ়প্রতিজ্ঞ। স্বামী বিবেকানন্দ বলেছেন, প্রতিটি কাজকে তিনটি পর্যায়ের মধ্য দিয়ে যেতে হয় — উপহাস,বিরোধিতা এবং তারপর স্বীকৃতি। যারা সময়ের চেয়ে অনেক আগে কিছু ভেবে থাকেন, তাদেরকে সবসময়ই ভুল বোঝা হয় থাকে। অধিকাংশ উদ্যোক্তাই এর সঙ্গে পরিচিত থাকবেন।

মানব সমাজের ভালোর জন্য ভিন্নভাবে ও সময়ের চেয়ে এগিয়ে চিন্তা করার ক্ষমতাই একজন উদ্যোগীকে স্বতন্ত্র করে থাকে। আমি ভারতের নব প্রজন্মের মধ্যে সেই ক্ষমতাকেই দেখতে পাচ্ছি। আমি ৮০ কোটি সম্ভাব্য উদ্যোগীকে দেখতে পাচ্ছি, যারা বিশ্বকে একউন্নত স্থান তৈরির পথে কাজ করতে পারেন।

ভারতে স্মার্টফোনের ব্যবহারকারীর সংখ্যা ২০১৮ সালের মধ্যে ৫০ কোটি ছাড়িয়ে যাবে বলে বলা হচ্ছে। মানুষের কাছে পৌঁছানো ও কর্মসংস্থানের দিক দিয়ে এই বিষয়টি যেকোনো উদ্যোগের বৃদ্ধির জন্য দারুণ সম্ভাবনা প্রদান করছে।

আমাদের স্টার্ট-আপ কর্মসূচি হচ্ছে উদ্যোগকে লালন করার জন্য এবং উদ্ভাবনকে উৎসাহ দেওয়ার জন্য এক ব্যাপক কর্ম পরিকল্পনা। এর মধ্য দিয়ে পরিচালনগত ভার কমিয়েস্টার্ট-আপকে সহায়তা করা হচ্ছে। ১২০০-এর বেশি অপ্ৰয়োজনীয় আইন বাতিল করা হয়েছে,২১টি ক্ষেত্রেও এফ.ডি.আই. ’ র জন্য ৮-৭টি নিয়ম লাঘব করা হয়েছে এবং সরকারের বিভিন্ন পদ্ধতি এখন অনলাইনে করা হয়েছে।

আমাদের সরকার বাণিজ্যিক পরিবেশকে উন্নত করার জন্য নানা ধরনের পদক্ষেপ গ্রহণ করেছে। এর ফলেই বিশ্ব-ব্যাপ্তের বাণিজ্য সহজতার প্রতিবেদনে ভারতের স্থান গত তিন বছরে ১৪২ থেকে ১০০ তম স্থানে উঠে এসেছে।

আমরা আমাদের বিভিন্ন সূচক যেমন নির্মাণ অনুমতি পাওয়া, ঋণ পাওয়া, সংখ্যালঘু বিনিয়োগকারীদের সুরক্ষা, কর প্রদান, চুক্তি প্রয়োগ করা, অর্থশূন্যতা স্থির করাইত্যাদি ক্ষেত্রে উন্নতি করেছে।

এই প্রক্রিয়া এখনও সমাপ্ত হয়নি। এটা হচ্ছে এমন এক যুগ যখন আমরা ১০০তম স্থান নিয়ে সন্তুষ্ট হতে পারছি না। আমরা ৫০তম স্থানের দিকে ধাবিত হওয়ার চেষ্টা করছি।

আমরা উদ্যোগীদের দশ লক্ষ টাকা পর্যন্ত সহজেই অর্থ সহায়তা প্রদান করার জন্যমুদ্রা প্রকল্পের সূচনা করেছি। ২০১৫ সালে এর সূচনার পর থেকে এখন পর্যন্ত ৯ কোটিরও বেশি ঋণ অনুমোদন করা হয়েছে, অর্থশূন্যতা যা প্রায় ৪.২৮ লক্ষ কোটি টাকা। এর মধ্যে ৭কোটিরও বেশি ঋণ অনুমোদন করা হয়েছে মহিলা উদ্যোগীদের জন্য।

আমার সরকার “অটল উদ্ভাবনা মিশন”-এর সূচনা করেছে। আমরা ৯০০টিরও বেশি স্থানে নানারকম মেঝামতির গবেষণাগার খুলছি, যাতে ছেলেমেয়েদের মধ্যে উদ্ভাবনা ও উদ্যোগের সংস্কৃতিকে উৎসাহ দেওয়া যায়।

আমাদের “মেন্টর ইন্ডিয়া” উদ্যোগের সূচনা এক্ষেত্রেদক্ষদের তাদের এই মেরামতির গবেষণাগারের মাধ্যমে ছাত্রছাত্রীদের পরামর্শ দেওয়া ওশেখানোর জন্য করা হয়েছে। এছাড়াও বিভিন্ন বিশ্ববিদ্যালয় ও গবেষণা প্রতিষ্ঠানে ১৯টিইনকিউকেশন সেন্টার তৈরি করা হয়েছে। উদ্ভাবনামূলক স্টার্ট-আপ বাণিজ্যকে পরিমাপযোগ্যও দীর্ঘস্থায়ী করার জন্য এই কেন্দ্রগুলো কাজ করে যাবে।

আমরা আধারের সূচনা করেছি, যা বিশ্বের সর্ববৃহত বায়োমেট্রিক নির্ভর ডিজিট্যাল ডাটাবেস। এখন পর্যন্ত এর আওতায় ১১৫ কোটি মানুষ এসেছেন এবং প্রতিদিন ৪কোটিরও বেশি লেনদেনকে ডিজিট্যাল নির্ভর পদ্ধতিতে প্রামাণিকতা করা হচ্ছে। আমরা এখনআধার ব্যবহার করে প্রত্যক্ষ সুবিধা হস্তান্তরের মাধ্যমে সুবিধাপ্রাপকদের বিভিন্নধরনের সরকারি আর্থিক সুবিধা প্রদান করছি।

জনধন যোজনার মাধ্যমে ৩০ কোটি ব্যাংক অ্যাকাউন্ট খোলা হয়েছে, যেখানে জমা পড়েছে ৬৮৫ বিলিয়ন টাকা বা ১০ বিলিয়ন ডলারেরও বেশি অর্থ। এর মধ্য দিয়ে আগে সমাজেরযে অংশ ব্যাঙ্কের আওতায় ছিলেন না, তাদেরকে প্রথাগত আর্থিক পদ্ধতিতে নিয়ে আসা হয়েছে। এর মধ্যে ৫৩ শতাংশ একাউন্টই হচ্ছে মহিলাদের।

আমরা কম নগদ অর্থনীতির দিকে ধীরে ধীরে এগিয়ে যাওয়ার জন্য কাজ করে যাচ্ছিএবং ডিম (বি.এইচ.আই.এম.) নামের এক ইউনিফায়েড পেমেন্ট ইন্টারফেস অ্যাপ-এর সূচনাকরেছি। এক বছরেরও কম সময়ে এই পদ্ধতি এখন প্রতিদিন ২৮০ হাজার লেনদেন করছে।

আমরা ‘সৌভাগ্য প্রকল্প’ চালু করেছি, যার সাহায্যে প্রতিটি গ্রামে বিদ্যুত সংযোগ দেওয়ার কর্মসূচি প্রায়শেষের পথে। এর মাধ্যমে ২০১৮ সালের ডিসেম্বর মাসের মধ্যে সব পরিবারকেই বিদ্যুতপরিষেবা পৌঁছে দেওয়া হবে।

আমরা ২০১৯ সালের মার্চ মাসের মধ্যে সমস্ত গ্রামীণ এলাকায় হাই-স্পিডব্রডব্যান্ড ইন্টারনেট পরিষেবা দেওয়ার জন্যও একটি কর্মসূচি গ্রহণ করেছি।

আমাদের পরিচ্ছন্ন বিদ্যুত কর্মসূচির অধীনে শুধুমাত্র গত তিন বছরে আমরাআমাদের পুনর্নবীকরণ বিদ্যুতের ক্ষমতা ৩০ হাজার মেগাওয়াট থেকে বাড়িয়ে দ্বিগুণ করে৬০ হাজার মেগাওয়াট করেছি। গত বছরে সৌরবিদ্যুত উৎপাদনের ক্ষমতা ৮০ শতাংশেরও বেশিবৃদ্ধি পেয়েছে। আমরা একটি জাতীয় গ্যাস গ্রিড নির্মাণের জন্য কাজ করছি। একটি ব্যাপকজাতীয় বিদ্যুত নীতি গঠনের পথেও কাজ চলছে।

স্বাস্থ্যবিধি ও পরিচ্ছন্নতার উন্নয়নে আমাদের স্বচ্ছ ভারত মিশন এবং গ্রামীণও শহুরে আবাস যোজনা অভিযান, মর্যাদাপূর্ণ জীবনের প্রতি আমাদের প্রতিশ্রুতিকেইউল্লেখ করে।

সাগরমালা ও ভারতমালার মতো আমাদের পরিকাঠামো ও সংযোগকারী কর্মসূচিগুলিউদ্যোগীদের বিনিয়োগের জন্য অনেক বাণিজ্য-সুযোগ প্রদান করেছে।

আমাদের সাম্প্রতিক ‘বিশ্ব খাদ্যভারত’ উদ্যোগ খাদ্য প্রক্রিয়াকরণ শিল্প ওকৃষি ক্ষেত্রের অপচয় নিয়ে উদ্যোগীদের সঙ্গে সংযুক্ত হওয়ার ক্ষেত্রে সহায়তা করছে।

আমার সরকার অনুধাবন করে যে, উদ্যোগের বিস্তৃতির ক্ষেত্রে সবার জন্য স্বচ্ছনীতি ও আইনের শাসন প্রদানকারী পরিবেশের প্রয়োজন।

দেশজুড়ে পণ্য ও পরিষেবা কর চালু করে সম্প্রতি ঐতিহাসিক কর পদ্ধতি গ্রহণ করা হয়েছে। ২০১৬ সালে চালু হওয়া আমাদের অর্থপূন্যতা ও দেউলিয়া অবস্থার আইন (ইনসলভেন্সিএন্ড ব্যাংকরান্সি কোড) হচ্ছে সমস্যায পড়া উদ্যোগের সময়মত সমাধান সুনিশ্চিত করারএক পদক্ষেপ। ইচ্ছাকৃত খেলাপীদের এর থেকে বাদ দেওয়ার জন্য আমরা সম্প্রতি একে আরওউন্নত করেছি।

সমগ্রবাল অর্থনীতি মোকাবিলা করা, কর ফাঁকি প্রতিরোধ করা এবং কালো টাকানিয়ন্ত্রণের জন্য কঠোর পদক্ষেপ গ্রহণ করা হয়েছে।

আমাদের এই প্রচেষ্টাকে স্বীকৃতি দিয়ে মুন্ডি ‘জসম্প্রতি ভারতের সরকারি বন্ড রেটিংকে উন্নত করেছে। এই অগ্রগতি প্রায় ১৪ বছর পর হয়েছে।

বিশ্বব্যাংকের লজিস্টিক পারফরম্যান্স সূচকে ভারতের স্থান ২০১৪ সালের ৫৪তমস্থান থেকে এগিয়ে ২০১৬ সালে ৩৫তম স্থানে এগিয়ে এসেছে। এর মাধ্যমে কোনো দেশ থেকেপণ্য আমদানি বা রফতানির ক্ষেত্রে সহজতা ও দক্ষতা চিহ্নিত হয়।

একটি বিনিয়োগ-বান্ধব পরিবেশকে ম্যাক্রো-অর্থনৈতিক দৃষ্টিকোণ থেকে স্থিতিশীলকরা প্রয়োজন। আমরা রাজকোষ ও চলতি খাতে ঘাটতিকে নিয়ন্ত্রণে রাখতে এবং মুদ্রাস্ফীতিকম্মতে সফল হয়েছি। আমাদের বৈদেশিক মুদ্রার সংরক্ষণ ৪০ হাজার কোটি টাকা ছাড়িয়ে গেছেএবং আমরা বড় আকারের বৈদেশিক তহবিলের প্রবাহকে আকৃষ্ট করে যাচ্ছি।

ভারতের যুব উদ্যোগীদের প্রতি আমি বলব:- ২০২২ সালের মধ্যে এক নবভারতের নির্মাণে আপনারা প্রত্যেকেই কিছু না কিছু মূল্যবান অবদান রাখতে পারেন।আপনারা ভারতের পরিবর্তনের বাহন এবং রূপান্তরের হাতিয়ার।

বিশ্বে বিভিন্ন প্রান্ত থেকে আসা আমার উদ্যোগী বন্ধুদের প্রতি আমি বলব:-আসুন, ভারত ও বিশ্বের জন্য —‘ ভারতনির্মাণ করুন ও ভারতে বিনিয়োগ করুন ’ (‘ মেকইন ইন্ডিয়া ’ ও ‘ ইনভেস্টইন ইন্ডিয়া ’)। আমি আপনারদের প্রত্যেককে ভারতেরবিকাশের কাহিনীতে অংশীদার হওয়ার জন্য আমন্ত্রণ জানাচ্ছি। এবং আরও একবার আমাদেরআন্তরিক ও ঐকান্তিক সহযোগিতার নিশ্চয়তা দিচ্ছি।

আমি জানতে পেরেছি যে, রাষ্ট্রপতি ট্রাম্প নভেম্বর ২০১৭-কে ‘ জাতীয়উদ্যোগী মাস ’ হিসেবে ঘোষণা দিয়েছেন। আমেরিকাও ২১নভেম্বরকে ‘ জাতীয় উদ্যোগী দিবস ’ হিসেবে পালন করছে। এই শীর্ষ সম্মেলন অবশ্যই সেই ভাবনাকে অনুরণিত করবে। এই শীর্ষসম্মেলনে ফলপ্রসূ, চিত্তাকর্ষক ও কার্যকর আলোচনার আশা প্রকাশ করে আমি আমার ভাষণসমাপ্ত করছি।

আপনাদের ধন্যবাদ।

